

江干草

九



丁野鶴先生遺稿

序

余與野鶴文章交也初會
時酒三觴野鶴曰人貴立
言知本者尚之是余生平
志耳遂契迨其顛沛迨其



歸隱迨其盲目風雨之地
明月之天千里通精神于
一息者非詩歌無以見吾
野鶴矣後沒琅邪藏著作
于名山如猿啼歇響餘秋

木如鶴唳已韻浮海空特
未剗劂傳之不廣又爲其
子顛若所不寐者耳先年
余病中顛若入燕以此事
告予予欣欣覺故人生今


果梓矣復不憚河山倂來
將顛若意屬予序之嗚呼
顛若不忘詩耶不死父耶
竝不忘不死父之友耶

昔

康熙癸丑端陽後一日合

淝同學第龔鼎莘頓首

拜撰



序

昔溫甫至鶴亭題詩於壁予時方
七歲來侍筆墨先伯兄竇昆謂予
曰此野鶴丁先生子也揖於松風
池上是時始知東武有先生後予
走琅邪謁先生椽谷中先生適出

遊薊門交燕趙賢豪二十年風塵
煙雨間予再入琅邪先生已振解
容城矣越數年予西謁岱宗禮蓮
花丈人峯回先生復歸自西湖寓
淇上大覺寺見予驛間訪吟哦嘯
嘯而去仍宿椽瓦中予三走琅邪

而先生歿嗚呼椽谷去齋亭六十
里於琅邪為近自予少以及壯先
生壯且髦以死前後三十年半同
甲子不獲一見丰采豈非數也耶
癸丑冬過先生別墅與馮若遇馮
若溫甫季弟也有先生遺風為月

上呼酒醉處溪紅樹下出先生遺
詩讀之問序於予予曰今日猶得
序先生詩乎先生續學蘄々不合
於世社々託之聲歌以見其情故
其磊砢而奔放也若天馬之絕塵
其離奇而變化也若神龍之戲海

其回翔軒翥而杳渺漫滅也若隱
若見若游絲之蔽於空先生既不
合於世々亦無有真知先生詩者
是集出予將携之歸海上與二三
友人重登琅邪古臺俟木落秋空
旭日蒸絳霞光態々掩赤城西來

於後出是集快讀覺海濤喧颺化
為風雨聲半落帳括中矣人情賤
近而貴遠者自東武無先生海內
始知有先生

時

康熙癸丑陽月同邑後學張佃耕

題於古諸桃花洞口



叙

余與野鶴先生家起能臺下相距
不數武又與先生少子顯若共雞
燈蓋三世通家好矣以故知先生
最詳先生歿且二年所顯若以遺
稿屬余序蓋先生以著書構禍與

李氏一
張儉畧同故自散丘後江干歸山
聽山諸詩率秘而不付剗剗余讀
之因有所感焉自古好奇之士研
精濡首每欲以寸管上掃古人而
造物者忌之踴蹙困阨以發其磊
砢牢愁之况或屠肆酒醺負敗行

李以橫折其心思不已而又囊其
頭而後出之乃其人雖困屈無聊
終不以彼易此必日新富有盛其
名與造物爭故詩文之傳往之不
見於其身而鬚斷血枯之所弋獲
者聽其若滅若沒傳什一於千百

之中而其魂魄亦若得之一快焉
嗟乎豈不悲哉昔靈次梗獄焉而
詩徐青藤論死焉而詩唐汝詢盲
目焉而公詩三子者卒能傳其詩
若獄若論死若盲目皆為詩迫焉
而具其詩名亦若為獄為論死為

盲目迫焉而成也先生負盛名中
奇禍走吳越燕閩大梁之區與海
內勝流切劘晚以病盲其目而擊
幌之思侘傺盤鬱之氣橫溢於中
而不可抑故官可棄請室可下目
公可以盲而獨不能一日去諸懷

者詩也先生平生矜慎許可獨數
折節於余憶己酉冬過橡山別墅
與先生角韻至夜分先生慨然曰
僕老矣吾將以子為名山盡以詩
文付吾子余唯之謝不敏初不意
先生長逝未幾也唐王右丞以扈

從不及得罪所著多散轍弟縉以
相國之力搜輯僅得四百餘篇今
顯若裒付梓人百不失一其視縉
孰得孰失亦不可謂非先生之幸
矣余之為此弁言所以終顯若之
請亦以明不敢負先生之託傳之

海內必有如弇州中郎退谷之於
次梗諸人者則序次其詩文是亦
後死者之責哉

康熙癸丑菊月同邑後學李澄中

拜題於超然亭下之怡堂



序

野鶴丁先生歿之二年遺詩序
顯若之且屬余以謝曰先生為歸
人我尚為過客避窮谷竟日漢
未事筆墨不自知其類也何
敢叙先生詩顯若曰勿辭也昔先

大夫風塵之後爰稼谷以詩酒括
山林之士思壺石而壺石不至今
先大夫歿欲廣其誥而爾又不為
之叙吾弗與耳嗟乎聞顯若
之言慙之有動於中而莫之能已
庸敢叙先生詩先生少有奇節

以不得志於時不克盡其材力與天
下相善故退而藏之名山著作滿車
箱今千載而下讀其集而慷慨憤
發知興觀群怨事乎曰父識鳥獸
木之名三百而後先生之詩亦可謂
有切者矣蓋風雅之士何代無人也

其調高者其氣不沉其氣沉者其
格或偏是集也氣狂而厚調仙
而雄格奇而正凡此者皆患難流離
困苦之中煉其才少老其識本之以
誠敬而後出者也昔人論出法尚自
須行之以忠信況其為聲歌韻

律之重者乎戊申秋九月家陝上
蕭堵中先生因大覺寺僧問以
詩招余時值促行李將事昭陽
洞四三年山水間四鶴已化遼城
去矣惜也不得見先生猶得叙
先生詩幸矣

時

康熙癸丑長至後一日同邑後
學趙清相題於新樓



乞言小引

先君甫垂髫值先祖柱史公大故熒熒在疚趨事祖
母田闡訓雖嚴脩名未立及壯盛遊吳楚立雪大儒
門業始進然性喜音律每讀漢魏六朝及李杜諸家
輒輟制業迨年邁不獲博一第乃肄業成均未幾由
容城廣文除惠安令旋以疾致仕歷閩越諸名勝縱
筆成野史聊消旅况又坐觸羣宵繫獄幸

赦下獲免遂病目杜門寄情騷雅雖手不能書而苦吟

未輟己酉年七十一召余曹曰將逝矣生平知己屈指數人惟

龔大宗伯 傳大司空諸名公脫驟患難耿耿在懷因占永訣詩畢合掌說偈而歿嗚呼痛哉其間盛衰之所閱常變之所經平奇之所感或救水高堂或琴書旅邸或弭憂湖海或選勝山林或論詩於良友或學道於神仙或際殊恩于帝里或逢知己於天涯以逮撒手懸崖瀟然長往先君一生歷履詩中固自有

年譜在余小子似無容贅然古來成大名顯當世者著書立說藏之名山傳之其人矣至於深山僻野鬱憤憂勞之士寧無一言之幾於道而不得賢豪爲之詡贊其湮沒不傳者可勝道哉余小子用是揆輯散帙得江干歸山聽山亭諸詩合爲一集又恐歲月漸深不無遺失以大拂先人之心罄厥家資勉付剞劂日者工垂竣矣乞憐于

巨公長者倘有可採少賜品題俾之得傳不朽則左

後言小引
思假皇甫而名益彰是予小子之志也實先君之志也亦卽古今著書立說者之志也

昔

康熙癸丑菊月不肖男慎行濡淚頓首具略

江干草卷一目錄

己亥 共計二百二十七篇
庚子

己亥仲冬至日赴惠安過椽谷丘海石明府載酒
候別留詩壁上奉荅原韵

過別海石山房 奉荅李渭清贈別四韵二首

出門示二子 過海州望雲臺舊居二首

渡新壩別張捧宸張慶餘同耳諸茂材

寄海中周公于故人爲沐陽令米吉土致陸舫詩

泊大尹山 淮上薛衛公農部留飲三日

謝薛備公贈舟

邵伯灘

揚州逢李過廬憲副兼晤徐存永同舟

邗上過福緣庵謝一足和尚見招

高睫庵同樵李曹公端蔡文千竹下歌飲

舟發維揚睫庵公端文千招同徐存永登文昌樓

酒酣存永以舟發先去因紀以詩

瓜步候潮 望金山 郭璞墓 過金山不及登

京口江行五首

常州訪謝獻庵別駕

泊舟無錫登惠山汲泉訪黃心甫顧修遠

訪黃心甫病沽酒留飲顧孝廉過訪

濟墅關榷部郭仔侯招飲

夜入姑蘇曉達楓橋 山塘憶昔

明萬曆庚申寓虎丘鍊佛庵

大清順治己亥再過此三十有八年故人老僧化去

矣僧孫子振相話慨然

遇晤石軒慈雲上人已七十矣

子振上人沽酒鍊佛庵竹林石上時梅花盛開

前歲韓固庵寓鍊佛庵有詩寄予今於寺壁見東

雲雛憶韓詩因和韓東二什留爲佳話

元旦旅祭先柱史於虎丘鍤佛庵中

過周靜香芳草園留飲同金道庶周長康徐天聲

分得水墨牡丹

故人陳古白長君孝寬過舟中同靜香小集約刻

古白遺詩

庚子新正初二日雨中靜香招同孝寬遊虎丘

過陳孝寬訪同鄰金孝章次其贈孝寬移居韵

新正二日周靜香百招飲虎丘舟中逢王大哉別十

七年矣

陳孝寬夜飲舟中達旦

上元日方山招遊孤山同孫宇台王仲昭周宋二

客放舟

湖樓寓居

訪查伊璜於東山不遇

晚放舟淨寺訪孫宇台夜歸同九如慎謀

謁孤山林和靖先生墓

昭慶寺逢陸鶴田內召還都

王仲昭孫宇台章式九李笠翁載酒招遊湖上陸

鶴田移舟就飲

同官方山顧鼎伯陸多盤遊六一泉

湖上送陸鶴田赴召臺員次韻荅贈甲午舊同入
順天闈中執事鶴田爲保定邑宰予教授容城
二首 同沈漢儀遊張祖永湖上園亭不遇

贈蘇州王公沂山人

擬陶歸來詞和陳瓠庵贈韻五首

謝陳階尺畫歸來圖次韻四首

題靖節贊圖十一 送力給子 解綬去職

葛巾漉酒 無絃醉弄 栗里籃輿

醉眠送客 具酌就飲 伸趾受屨

把酒得菊 不辭酒錢 不受梁肉

總贊

贈梁大將軍建業解圍破寇歌爲杜杜若徵詩

松陵皇甫堯臣寄歸鶴詩次孝寬韻荅之

題陳孝寬像并贊 荅友人約訪西湖出山浦

贈尚御公藥室

湖上同漢陽李雲田容城李擘蕃遊六一泉次薛

宗伯翁園韻 送嘉湖憲副李過廬內召還都

惠安茂材張子幹過訪以文勸駕兼貽苧布燕窩

聞張司空左遷徽寧兵憲二首

武林逢同邑丘長年

中秋前一日過昭慶寺訪閩中許有介遇徐存永
胡彥遠方期覓酒壚釣舫思約范文白出門而
文白遇於市遂登舟載酒過六一泉看桂花月
出始歸因思此會如高李吹臺故事分韻作詩
胡彥遠將遊匡廬過別留飲次扇頭芝麓韻二首
張子幹陳疇範遊會稽返過別
祝浙憲范正公寄懷洛中諸老

尹含玉嘉禾司理招飲湖上

山陰王玉映女史投詩爲宗弟丁睿子元配詩以

荅之 周茂山瀝水上人醉酒行

嘲時宰一絕 宋荔裳備兵紹寧同宿浙署

再荅山陰王玉映并宗弟睿子

李錦秋明府以祝太翁七十徵詩

王於一唐祖命陳子壽胡元潤過松下小集將邀

予同入閩遊

宋荔裳自言登華山三峰之勝爲之神遊

家信到見丘海石五月寄書詢之則逝矣憶相送
山中戲言求予代作墓誌竟成讖語開緘爲之
泫然因略述生平以備行狀寄冢君龍標焚之
昭慶寺逢官方山

謁岳武穆墓見遺像墨刻滿江紅并高宗頒師御
札 自江干買舟從陳憲臺諸子入閩二首

桐廬道中 登嚴陵釣臺見張坦公碑記二首

七里灘 舟泊嚴州 蘭谿縣道中聞鶯

泊江山縣抵清湖鎮度嶺率成十八韻

清湖店壁見膠西王逸安大行自閩回朝詩因次

韻 度嶺 江郎山 廿八都

茶嶺同陶季深聯句 楓嶺

風雨度杉嶺見杜鵑花茶花時仲冬

五顯廟嶺 途次呈陳階六憲臺

次浦城謝邑宰劉震生留飲

蒼崔山濤別駕勸赴惠安

同林宣子遊南浦橋 綠波亭

同陳止庵遊夢筆山次許天玉九日韻

閩中許有介先以予詩傳之浦城故止浦數日吳
子文陳止庵林宣子諸友畢集寓西竺寺
作桐江霞嶺圖本付翁壽如山人為卷

雨夜禪房

告病閑居因自浦城往遊武夷日紀山行由荔嶺
始較霞嶺險秀百倍矣為庚子十一月初旬

宿西鄉村

梨口村三首

造竹紙作房

黃墩嶺入崇安縣路

山行遇雨

入武夷題幔峰漢祀亭二首

萬年宮

宿萬年宮次林宣子韻

曉起登玉皇閣再用前韻

大王峰

玉女峰

大藏峰橋上仙舟四首

泛舟自三曲至五曲

天遊觀

一覽亭

森天閣

朱文公書院

接筍峰有山人李磊音攜家隱其下訪之不遇

贈別張蚩蚩先生

李晤生七十矣如臯人將之峨眉過武夷其子追

留勸歸以詩贈余因以韻荅之

自六曲泛舟出山

遊山西水簾洞見桃花新筍

邀陳止庵同遊不至詩以寄之二首

山遊後林宣子先歸浦城却寄文海上人

崇安縣閣後趙清獻梅花老幹半枯新枝茁發五

百年物也三首 崇安 聞猥

別武夷寄張蚩蚩李晤生兩異人

張山人隱於鍛工遺予青霞仙錄十卷道冠道衣

云三年前青霞師留寄久矣拜而咏詩

別崇安邑侯淄川韓有聲年丈 武夷山行

武夷茶歌 回浦城冬至寄諸友

潘僧雪有梅花詩三十首索和

聽張博士說將樂縣玉華洞 問藥

久客浦城上臺屢檄不放夜坐達旦

遊武夷題詩壁上失墨半圭歸浦半月得之故篋

僧雪子文作仙墨詩戲為荅之

自寫武夷三十六峰粉本吳子文成卷徵詩二首

題叅後放歸北還唐祖命崔濤山吳子文陳止庵

潘僧雪林宣子翁壽如僧秀初偕諸友作南浦

圖詩餞別綠波亭

抵武林寄宋荔裳兵憲言別

歲窮行李將盡鬻書就道

寄湖州張石城兵憲兼謝惠烏城酒

出武林別主人曹敬泉曹良野內翰二首

宋荔裳招遊禹穴不能往謝寄行贐

謝張石城贈舟 余代嶼侍御以舟贐送至京口

始蘇別陳孝寬曾澹公鄭三山時寄書板虎丘鏡

佛房

曾澹公於京邸王宗伯席上別十年今逢吳門

投許墅關權部李夢沙一絕

夢沙署中見王貽上玄墓看梅詩憶舊遊三十年

矣 謝吳門贈詩屏諸公却寄孝寬

別曾澹公陳潤甫於虎丘兼寄子振上人

戲東李夢沙爲鬻書

許墅周玉鳧寫武夷圖詩卷招飲山齋

陳孝寬送至許關以書板托行

周靜香過舟中留看梅不能逞

買虎丘花圃盆卉價貴不得

過嘉禾訪曹秋岳先生同文可上人集倦園別業

卽席命賦十首 京口候渡 金山守渡夜雪

渡江望金山獨酌 畫眉鳥

揚州司理王貽上招飲題詩歸鶴卷次韵四首

舟中初度對雨自酌口占二十四韵

淮上贈張仲遠

清江浦同清河宰鄢陵劉博仲夜飲聯句

謝孔起元郡丞贈馬 渡黃河

雨中駐王家營候家人不至

黃河岸口再寄清河邑宰舊以韓叔夜相知

清明日沐陽寄米吉土邑宰

己亥仲冬至日赴惠安過椽谷丘海石明府載酒

候別留詩壁上奉荅原韵

溪上晴雲簇去旌寒林春氣野煙平抱琴客去尋山色
載酒人來問月明萬里遥期分橘柚十年重許過柴荆
羨君高臥千峰紫下視關門小吏迎

過別海石山房

海南海北與君分各伴鷗羣各鹿羣花鳥何曾超氣候
魚龍應遣餉聲聞夢來竟渡螺江水別去能招岱嶽雲
兩地九仙山色在相期同訪武夷君九仙為海石卜築閩中亦有九仙

奉荅李渭清贈別四韻

超然臺畔海雲多又送孤舟下碧螺葛杖龍飛窮渤澥
何津鯉化躍星河孤踪汗漫人將老異域浮沉歲又過
欲寄梅花清澈骨對君新句好吟哦
自攜斗笠泛孤蓬南國遙尋宗慤風白髮人移青海外
丹宮香滿玉壺中琛林何處聽蠻鳥桂蠹誰能憇董虫
萬里懷人思贈荔好乘雙鯉下江東

出門示二子

出門未定返山期子舍松楸望轉疑持弱家傳無健婦

散○盈○天○遣○有○貧○兒○再○趨○蟻○夢○南○柯○遠○欲○問○鵬○程○北○海○遲○
莫○羨○歸○裝○如○陸○賈○明○珠○空○被○子○孫○欺○

過海州望雲臺舊居

隔○島○望○山○門○蕭○蕭○海○氣○昏○荒○煙○橫○斷○港○淡○日○冷○孤○村○谷○
口○田○廬○在○湖○邊○釣○侶○存○白○頭○仍○不○返○鼓○枻○復○何○言○
舊○隱○烏○皮○几○今○成○白○髮○翁○北○溟○初○奮○翼○南○極○欲○搏○風○牛○
馬○藏○身○異○江○湖○避○地○同○卑○趨○成○底○事○孤○艇○亂○流○中○

渡新壩別張捧宸張慶餘同耳諸茂材

野○曠○白○波○遠○潮○乾○鷗○鳥○飢○年○荒○南○米○貴○兵○過○北○商○稀○蘆○

荻○勞○相○問○壺○漿○意○不○違○笛○牀○在○後○約○東○海○舊○漁○磯○

寄海中周公干故人爲沐陽令米吉土致陸舫詩

周○子○古○高○士○行○吟○東○海○濱○採○薪○老○未○飽○荷○鍤○意○彌○真○吾○
友○沐○陽○宰○能○分○范○甌○塵○寄○詩○求○熱○釜○何○必○不○因○人○

泊大尹山

水○動○鳥○疑○去○舟○行○岸○若○移○魚○輕○頻○受○釣○酒○薄○竟○如○醪○民○
散○多○逃○屋○村○墟○少○夜○炊○十○年○前○過○此○秋○月○與○僧○期○

淮上薛衛公農部留飲三日

茲○會○非○容○易○江○淮○接○一○航○入○門○如○夢○寐○別○袂○又○河○梁○仁○

治歡魚鳥廉威避虎狼。醴陳勞徐榻。笛步踞桓牀。河朔人仍聚。吹臺客尚狂。衰年悲遠別。知己惜歡場。橋袖分行李。梅花贈客囊。津頭有舟楫。天際遠相望。

謝薛衛公贈舟

舊是滄溟老釣徒。一簑曾此泛江湖。忽驚彩鷁鳴簫鼓。無數青山列畫圖。南極魚龍凌斗宿。北風鴻鴈起菰蘆。布帆暫作盧遊計。未審中流擊楫無。

邵伯灘

淮海十年行路難。片帆南去北風寒。兵多尚阻瓜州渡。

舟駛空過邵伯灘。酒煮加皮春氣動。火烘鴨卵夜爐殘。遙聞官閣梅花發。車馬衝塵未可看。

揚州逢李過廬憲副兼晤徐存永同舟

曾於陸舫存題額。每向江湖憶使星。北海何期徐孺榻。南風同泛李膺舫。探幽欲買孤山鶴。張司空托買鶴孤山博物應知楚國萍官閣。梅開容問字。慚予彭澤未逃形。

邗上過福緣庵謝一足和尚見招

淨掃空堂塔影重。知君飛錫下廬峰。到門欲扣生公石。近寺遙聞惠遠鐘。招客可能為貰酒。逃形無用更傳宗。

他年再共寒山語。只坐蒲團不種松。

高睫庵同樵李曹公端蔡文千竹下歌飲

良夜荒煙邗水濱。湖邊鷗鷺日相親。何來楚客歌伐木。共向江干賦採蘋。笛步乍逢天下士。酒壚常聚遠游人。不堪擊筑仍分手。歸去扁舟月色新。

舟發維揚睫庵公端文千招同徐存永登文昌樓

酒酣存永以舟發先去因紀以詩

柔艫輕鷗促去舟。依然夢裏過揚州。隔城走馬催簫管。近水招人上酒樓。座滿名流工阮嘯。醉看老子效吳謳。

一聲款乃客先去。明月長江天際流。

瓜州候潮

是秋寇破京口

寇退兵猶駐。樓船護海門。潮平看水闌。塔湧出山根。石影龜鼉古。江聲虎豹屯。十年空擊楫。南渡欲消魂。

望金山

宰堵諸天外。波明宿霧空。帆開如鏡裏。塔影落江中。松隔昭關渡。雲迷帝子宮。妙高亭在眼。煙月隱濛濛。

郭璞墓

鍊碣留今古。潮回海氣清。乾坤容爪髮。山海記精靈。數

定何勞卜。經傳不用銘。千年淘洗盡。生死本忘形。

過金山不及登

三十年前屐一登。塔峰曾踏最高層。廊詩尚有前朝墨。泉茗難尋舊日僧。橫海樓船晴渡馬。隔江漁火夜無燈。臨風酌酒憐衰老。天半朱欄未可凭。

京口江行

鼓角催羣動。曉行宿霧分。江煙晴似雨。海氣遠成雲。汲水衝魚影。鳴榔起鷺羣。待潮仍久駐。舟子自紛紛。半夜問風色。爭先見物情。邗江無半日。瓜步已旬程。借

米隔洲市。投竿試水聲。後趨原不競。漁艇自然輕。

戰伐何時定。江流路欲迷。人煙稀市肆。虎跡印荒泥。古戍寒山斷。空城落日低。南風殘臘煖。岸草尚萋萋。雲物先春動。江城入臘虛。煙波存竹樹。兵火失樵漁。客思梅花近。遊心鴈影如。題詩寄海岳。已隔廿年餘。萬里東南去。帆檣爭渡喧。水程分日夜。地勢劃乾坤。鼉臥江風穩。鯨翻海浪奔。乘槎南斗近。由此問靈源。

常州訪謝獻庵別駕

蠡吾仙署舊花封。謝眺青山海內宗。一自燕雲千里別。

江○干○草○
卷○一
六
豈○期○官○閣○隔○年○逢○澄○江○得○句○傳○詩○遠○春○草○懷○人○入○夢○濃○
欲○向○惠○泉○求○載○酒○知○君○臥○理○最○從○容○

泊舟無錫登惠山汲泉訪黃心甫顧修遠

冬○殘○春○動○尚○淒○淒○自○汲○寒○泉○躡○石○梯○十○里○松○煙○藏○窈○窕○
千○家○雪○乳○落○提○攜○欲○將○清○冷○消○腸○熱○未○洗○風○塵○媿○影○迷○
期○訪○故○人○同○載○酒○梅○花○無○信○到○梁○溪○

訪黃心甫病沽酒留飲顧孝廉過訪

樸○落○思○高○士○幽○尋○過○僻○居○榻○前○惟○麓○米○枕○上○滿○牀○書○留○
客○賒○鄰○酒○呼○兒○買○市○魚○顧○厨○同○里○聚○堪○號○德○公○廬○

濟野關樵部郭仔侯招飲

上○谷○別○經○歲○那○期○江○上○逢○壺○漿○感○陌○路○聚○散○歎○萍○踪○檣○
密○爭○喧○渡○臘○殘○收○晚○春○虎○丘○遙○見○塔○夜○半○不○聞○鐘○

夜入姑蘇曉達楓橋

夜○行○舟○渡○亂○濤○聲○猶○有○楓○橋○半○日○程○兩○岸○帆○檣○人○語○沸○
幾○家○煙○火○晚○燈○明○臘○殘○小○市○無○魚○米○亂○後○名○城○有○甲○兵○
忽○憶○少○年○文○酒○會○寒○山○猶○帶○故○人○情○

山塘憶昔

憶○昔○山○塘○第○一○家○美○人○顏○色○嬌○如○花○白○皙○未○顏○我○年○少○

江子草 卷一
祛服麗質人驚誇。垂簾少婦時擲果。隔牆鄰女爭烹茶。
有美一人眼相照。窻下斜窺善調笑。眉長眸細露纖手。
擘橘分柑情窈窕。目成心許不敢親。情深禮重何逡巡。
閨閣密隱分香袖。書榻仍投洒淚巾。一朝別汝虎丘佳。
送酒遺瓜朝暮去。相約十六看燈來。山寺梅花方盛開。
半股鸞釵敲夜戶。一雙鳧舄破蒼苔。羅敷有夫亦我愛。
重色薄交忍相對。倒鎖僧房走入山。美人空結合歡帶。
三十年來勞夢魂。白頭今復過吳門。孤舟又向山塘泊。
未知美人存不存。

明萬曆庚申寓虎丘鍊佛庵

大清順治己亥再過此三十有八年故人老僧化去
矣僧孫子振相話慨然

曾挾孤雲問虎丘。壯懷汗漫作盧遊。老僧已化松間塔。
野鳥猶尋海外舟。蘧蝶百年超甲子。蜉蝣隔代幻春秋。
生公石畔梅花發。四十年來一點頭。

遇悟石軒慈雲上人己七十矣

華表重來識者稀。當年松老有禪扉。寺經劫火無前額。
石認蒼苔有舊磯。高士碑傳藏壁在。時陳古白同社善
書今刻石壁在

美人夢冷抱琴歸。有奔子者。應知別去三生約。目斷天南一鶴飛。

子振上人沽酒餽佛庵竹林石上時梅花盛開

爾祖同予住此林。一龕餽佛夜燈深。曾於短簿祠前月。

共聽生公石上音。吳歌渡曲梅雪滿牀為掃榻劍池響。

峽有鳴琴兒孫解事追廬社。酤酒仍招陶令尋。

前歲韓固庵寓餽佛庵有詩寄予今於寺壁見東

雲雛憶韓詩因和韓東二什留為佳話

伯休舊榻東方寓。徐孺前行郭泰來。古寺每留高士屐。

名山常集異方才。酒樓不遇徵詩妓。洛下何人上吹臺。

一片寒山誰共語。梅花竹影自徘徊。

元旦旅祭先柱史於虎丘餽佛庵中

大士前頭借一龕。藏神原不媿。名山十年除臘無家祭。

此日辛盤有薦柑。石室高文存水鑑。劍池明月湛霜罈。

九仙石室記陳古白。自憐白髮依孺慕。漸覺形衰老不

堪。

過周靜香芳草園留飲同金道庶周長康徐天聲

分得水墨牡丹

靜香舊青州兵憲

細草清流俯曲垣。吳人猶指碎疆園。構雲嵌石開山理。
傍竹栽梅問水源。海內文章分老腐。江干車馬借高軒。
藏書猶有蘭亭本。北海仍開花下尊。

故人陳古白長君孝寬過舟中同靜香小集約刻

古白遺詩

昔爾髫齡今白頭。百年南北一虛舟。杜陵父執非題鳥。
甯戚官成仍節牛。老我舊遊無伯仲。懷君先世有春秋。
遺文尚記桓譚在。玄草能忘爨下收。

庚子新正初二日雨中靜香招同孝寬遊虎丘

一片風帆傍雨開。吳門煙火舊樓臺。東風欲轉白堤柳。
南麓將殘鄧尉梅。僧掩松關聞磬轉。鷗浮塔影入杯來。
周郎顧處空吳詠。擬使騷人醉不回。

過陳孝寬訪同鄰金孝章次其贈孝寬移居韻

杜陵橋畔客移家。同憶元方共一車。鏡佛堂中詩刻竹。
貞娘墓上鳥啼花。酒壚別後笛聲渺。栗里重來柳影遮。
猶有畹蘭分舊本。欲將奇字問侯巴。
時孝寬見惠扇蘭

新正二日周靜香招飲虎丘舟中逢王大哉別十

七年矣

江干草 卷一
夜雨辭春酒湖堤已具舟初如驚乍客何意慙同流隔
代還青眼重逢已白頭亂離談不盡江海共浮鷗

陳孝寬夜飲舟中達旦

客散城門閉翻成下榻歡泥深綉屐失漏盡酒杯乾燭
影驚魚擲角聲起鷺盤羨君多道氣解珮寫湘蘭

上元日方山招遊孤山同孫宇台王仲昭周宋二

客放舟

野泊舟初放尊移客忽來就山邀好月別嶼問孤梅
轉莓苔滑櫓搖鷗鳥回吳歌隨興發絃管若爲催

湖樓寓居

借宦消遊况因湖斲作家畫圖來枕簟兒女臥煙霞橋
斷憐飛鷺山空隱暮笳酒船簫鼓少獨酌賦蒹葭

訪查伊璜於東山不遇

舊約東山在聞君嶺海歸名高心不定客久願多違羅
綺消孤僻文章隱是非未能尋釣侶明月伴船歸

晚放舟淨寺訪孫宇台夜歸同九如慎謀

煙雨湖天晚輕舟入杏冥翻因遊不盡轉覺興難停古
寺松杉冷天高殿宇青誰能同卜築此地可逃形

謁孤山林和靖先生墓

問張司空放鶴皆去

古墓橫青靄。孤亭隱白波。碣殘留字少。梅老閱年多。高
躅存寥廓。遺風散薜蘿。鶴飛應自得。不放欲如何。

昭慶寺逢陸鶴田內召還都

過寺貪看佛。回頭却應人。驚逢還面熟。瞥見覺情真。江
海無睽隔。身名有屈伸。風雷來故劍。輿服喜新綸。羨爾
能騰達。悲予合隱淪。湖樓堪眺月。酒市且酤春。話舊心
如昨。傷時氣未馴。謀官翻失計。臥病已經旬。藤帽容欹
側。荷裳媿佩紉。非關羞束帶。不敢負垂紳。南國方戎馬。

西湖自釣繙君歸南斗近。儂憶北風親。寄語綸扉相。為
容草莽臣。

王仲昭孫宇台章式九李笠翁載酒招遊湖上陸

鶴田移舟就飲

于野同人集。平舟隱浪偏。壺觴移客席。爐茗上漁船。竹
樹煙初合。峯巒影欲連。寺通天竺路。橋接叅寥泉。冉冉
梅初放。青青草欲芊。岳墳石馬古。林墓老松圓。放鶴亭
空在。姦屍檣不全。水芹牽蕩漾。湍鷺落聯翩。柔艫聲呶
啞。清歌韻渺綿。兩艘方并纜。促坐却同筵。令密多逃酒。

江干草 卷一
輸頻轉畏拳東南推盛會吳越足奇篇竟作蘭亭聚
居然竹里賢西冷明月出歸棹似神仙

同官方山顧鼎伯陸多盤遊六一泉

梅古依亭放禽孤近水啼空林堪縱酒好景不留題
澗草穿蘿磴岩松護石梯夕陽愁牧馬伐竹過泉西

湖上送陸鶴田赴召臺員次韵荅贈甲午舊同入

順天闈中執事鶴田爲保定邑宰予教授容城

范甌分符浣水湄五年羶帳舊風期羨君神劍終難秘
媿我鉛刀老莫爲蕭寺乍逢歸鴈後湖山醉別落梅時

京華如問泉州令爲賦歸來寄所思

雌伏雄飛各有宜重逢湖畔亦離奇夢遊閩海官無路
病臥蘇橋日有詩帝里遙瞻青鎖闈吳山舊識紫陽師
行藏不向時流說唯有西冷明月知

同沈漢儀遊張祖永湖上園亭不遇

深竹一柴扉湖光上翠微亭虛春樹發林密暝禽飛就
詠詩牆在移觴酒伴違再來應眷眷重問釣船歸

贈蘇州王公沂山人

相逢湖上水相別落花時再約吳門棹重尋短簿祠
罷

官○憂○客○散○分○路○喜○舟○遲○寄○語○江○干○友○吾○今○號○子○皮○

擬陶歸來詞和陳瓠庵贈韻

百○年○為○形○役○駕○言○將○焉○求○微○祿○不○自○庇○迷○途○苦○多○憂○非
因○束○帶○縛○難○以○折○腰○留○去○去○歸○三○徑○秋○風○颺○小○舟○
違○世○非○吾○好○守○素○歸○田○園○匏○尊○自○足○酒○稚○子○已○迎○門○盼
柯○息○林○影○交○蔭○聞○禽○言○來○來○樂○天○命○琴○書○有○靜○存○
熹○微○晨○光○歛○谷○風○吹○日○西○孤○松○唯○自○撫○濁○酒○誰○能○攜○未
辨○今○者○是○空○知○昨○日○非○委○運○聊○足○樂○無○為○歌○鳳○兮○
南○山○失○歲○稼○種○豆○餘○荒○田○逢○年○不○再○得○娛○老○將○終○焉○冉

冉○時○苗○秀○涓○涓○春○澗○泉○村○醪○自○斟酌○乘○化○終○樂○天○
南○窓○足○寄○傲○斗○酒○足○餘○歡○憂○來○不○在○世○心○遠○或○自○安○山
木○容○歸○翮○雲○霞○生○靜○觀○行○藏○吾○與○雨○天○海○其○盤○桓○

謝陳階尺畫歸來圖次韻

退○隱○甘○疎○劣○非○關○薄○世○榮○田○園○聊○自○養○奔○走○欲○何○成○荒
徑○孤○松○老○歸○雲○一○鳥○輕○親○鄰○多○酒○伴○言○笑○有○餘○情○
征○夫○指○前○路○歸○去○及○春○遊○入○室○存○松○菊○經○途○歷○壑○丘○壺
觴○舒○遠○嘯○歌○吼○坐○清○流○乘○化○隨○天○運○真○如○不○繫○舟○
迷○途○不○遠○復○懷○古○始○悲○今○欲○問○羲○皇○夢○應○知○彭○澤○心○巾

拋因漉酒。絃絕爲憐栗。此中林壑意。高臥足登臨。
爲我開生面。攀松復聽泉。難將惠安令。擬近葛懷天。高
臥非無似。挈觴或有焉。躬耕今不易。慎重賦歸田。

題靖節贊圖十一

送力給子

爾飢爾寒。唯力是視。彼亦人子。仁哉處士。

解綬去職

晉之士歟。宋之士歟。匪傲匪隱。行微心晦。

葛中漉酒

醉翁之意。不在於酒。是曰葛天。非名濡首。

無絃醉弄

太古之音。不以絃出。至人之聞。不以耳入。無耳無絃聲。
滿天地。

栗里籃輿

於物無忤。於食可乞。昇輿而就。子弟色喜。耽梨栗者。而
能爲此。

醉眠送客

維其真也。而匪怠也。麾可去也。呼可至也。客佳哉。

具酌就飲

賢○哉○州○將○知○有○彭○澤○彭○澤○不○知○有○州○將○兩○賢○相○覲○援○而○
至○止○

伸趾受屨

嗟○彼○世○人○截○趾○適○屨○量○力○而○退○無○慚○進○止○我○知○其○不○為○
賁○也○

把酒得菊

悠○然○南○山○倦○鳥○夕○還○酒○與○菊○期○醉○欲○忘○言○
不○辭○酒○錢○

外○云○誰○之○惠○而○不○以○醉○酒○既○聖○矣○錢○亦○神○矣○在○乎○清○濁○之○

不受梁肉

詎○曰○矯○廉○非○吾○族○類○其○嗟○來○之○食○歟○曰○是○在○宋○元○嘉○之○
年○故○不○敢○汗○吾○齒○

總贊

歸○來○今○五○柳○之○下○子○不○歸○來○誰○當○歸○者○柴○桑○今○彭○澤○今○
栗○里○今○吾○不○知○其○然○藏○包○胥○子○房○之○志○而○無○其○遇○借○酒○
以○遜○乃○名○曰○潛○

贈梁大將軍建業解圍破寇歌爲杜杜若徵詩
南服海沸妖星重。甌閩十年走梟獍。東南民力困征輸。
海若天吳勢縱橫。赤眉黃巾時假漢。招號頑民思倡亂。
攻掠滿載放歸航。飄忽疎防復上岸。十萬樓船渡江左。
夜過金焦失烽火。鏖城開熱血。噴綠沉鎗斷橫江。鎖
南北觀望不敢行。淮揚旗捲聞笳聲。坐困經旬建業急。
天子宵旰憂南京。將軍孤勇橫長戈。却騎天駟超星河。櫂
槍熒惑夜光死。靈旗鏗甲聲相磨。却馬步戰氣無匹。身
先三軍如箭疾。玄武湖東烈火紅。石頭城下燒煙黑。萬

櫓千艘一炬空。賊奔殿後不居功。

廟謀幸借神明筭。不掩將軍大樹風。

松陵皇甫堯臣寄歸鶴詩次孝寬韵答之

鶡冠髮短不勝簪。潦倒江河尚苦吟。五斗何曾耽芋栗。
一官止可臥山林。君平厭世原無意。梅福逃名尚有心。
堪伴雲栖隨老衲。雙瞳待撥有金針。

題陳孝寬像并贊

三十年前妙喜堂。朱顏白皙玉爲郎。幅巾漫紉芝蘭佩。
芰服仍爲薜荔裳。下榻登龍息仲舉。過門看竹見元方。

吾衰君亦皤然老。鍊佛同龕好共藏。

荅友人約訪西湖出山浦

知君湖上結新廬。出郭登舟數里餘。春盡蠶桑聞紡績。人稀煙火半樵漁。攜柑載酒閒聽鳥。過寺參禪不跨驢。肯掃莓苔相待否。煮尊欲問浣花居。

贈尚御公藥室

懸壺避世為逃名。野菊江蘼擷落英。藥餌資人無二價。丹爐伏火有長生。因尋荔浦來禽慶。欲向天台訪尚平。偕隱長檣從斷木。廊間暫賃夕陽春。

湖上同漢陽李雲田容城李曄蕃遊六一泉次薛

宗伯翁園韵時雲田與李過廬同舟

共借漁舟問竹林。參寥猶聽古泉音。好尋彭澤酤村酒。莫索平原贈客金。白鳥紅蕖方歷亂。晚山殘照自蒼深。城笳日暮催歸急。安得湖心待月臨。

送嘉湖憲副李過廬內召還都

湖上朝朝送鷺羣。江干高臥得逢君。仙舟獨許林宗共。清俸多因閔叔分。鳳詔絲綸廻玉燭。龍門家世滿青雲。應知

聖主虛前席。宣室蒼生次第聞。

惠安茂材張子幹。過訪以文勸。駕兼貽。苧布燕窩。不到河陽問種花。何來桃李傍蒹葭。觀風始見人情厚。問字當知山色嘉。畏壘隔江思採荔。鳴臯放鶴送歸槎。臨流老馬愁難渡。海路雲深日易斜。

聞張司空左遷徽寧兵憲以詩寄之 去歲夢同遊

浙山

浙中名勝夢同登。何意重逢張季鷹。我已投簪回北海。君今分節臥南陵。好尊

帝命馳詩酒。莫畏人言謝友朋。欲看黃山無力往。資糧還借葛陂藤。

文章山水謫仙符。故遣司空出帝都。黃海浮丘歸版籍。赤城雲岳待追呼。特移謝眺梭奇處。又近淵明覓酒徒。願向考功分半謗。辭官特簡長西湖。

武林逢同邑丘長年

十年江海同爲客。此日風塵偶見君。鄉夢遙看千里月。奚囊獨滿五湖雲。官因僻地先投檄。田不逢年久廢耘。沽酒西泠梅雨後。野鷗何事又離羣。

中秋前一日過昭慶寺訪閩中許有介遇徐存永
胡彥遠方期覓酒壚釣舫息約范文白出門而
文白遇於市遂登舟載酒過六一泉看桂花月
出始歸因思此會如高李吹臺故事分韵作詩
野聚鄰秋寺心期各後來無端傾蓋合却作放船回瓜
步逢桓笛吹臺接李杯泉祠尋桂樹梅嶼踏苔莓水澹
輕鷗去天高蚤鴈來江山逢好侶閩越本多才孟博人
倫重徐孺風雅推遠公餘道氣子將擅清裁棹緩崩濤
入嵐開暝靄廻韵分驚字險酒剩借歌催湖艇煙光亂

城笳日暮哀詩名堪伯仲天意許追陪吏隱求投劾窮
愁欲鑿坏鷺羣憑聚散老大亦傷哉

胡彥遠將遊匡廬過別留飲次扇頭芝麓韵

桂○冷○荷○枯○橘○柚○香○送○君○秋○思○興○何○長○塞○垣○鴻○鴈○來○無○定○
江○路○菰○蒲○去○有○霜○對○酒○不○辭○雙○眼○白○悲○歌○空○恨○二○毛○蒼○
欲○從○蠟○屐○遊○將○倦○是○處○看○山○盡○太○行○
平○湖○秋○老○水○空○香○野○柳○江○籬○帶○岸○長○酤○酒○黃○昏○將○上○月○
懷○人○白○露○欲○爲○霜○交○遊○倦○後○存○真○率○詞○賦○年○來○愛○老○蒼○
君○到○匡○廬○相○憶○否○西○風○鷗○鷺○又○分○行○

張子幹陳疇範遊會稽返過別兩生皆惠安人

別我過江去。禹陵避暑歸。文章存道範。山水見清機。勸
駕憐吾病。辭官惜爾違。空思洛橋荔。難渡富春磯。

祝浙憲范正公寄懷洛中諸老

我本漁樵問江渡。彭澤無官病不去。平生不識趙平原。
下車式廬先我顧。西湖避暑日沽酒。時時飲我花間露。
自言意氣久相知。長安王薛頻追隨。孟津墨字大如斗。
河陽宗伯真吾師。范君亦愛天下士。器宇少讓恣瑕疵。
百年知己在河洛。看君龍門高海岳。我來病臥足遨遊。

亦閒居慰離索相逢八月桂花開此日江干獻壽杯

江月江風為君飲紫陽道士騎鶴來

尹含玉嘉禾司理招飲湖上

小舫分荷氣。湖香入晚秋。波清看藻泛。天遠對鷗浮。日
暮菱歌急。橋空蕙草愁。無緣留月上。城閉促回舟。

山陰王玉映女史投詩為宗弟丁睿子元配詩以

荅之王季重先生女丁文忠學士婦詩文甚富為江浙閨範欲過寓在謁辭之

江海知名久。吾宗有孟光。流風推世譜。詠雪見文章。環
珮來高士。詩文到老儂。媿予無鑒別。免拜德公牀。

周茂山漚永上人醉酒行

周郎工文善飲何嶽崎○松間曳履足微疵○白眼傲岸意
盤礴高譚雄辨堪解頤○眼中之人不多見○沽酒煮魚爲
君爨○永公好飲稱善書○張顛懷素開生面○偶來相遇成
三狂○分塲角飲爲酣戰○定窯孟子琥珀濃○周郎脫帽氣
如虹○須臾一飲三百斗○五白六博奔永公○吁嗟永公頭
何童○周郎槌腦如撞鐘○舞腰胡旋愁落井○拔劍欲砍階
前松○永公急奔入牀去○僕僮踉蹌不敢顧○周郎不飲一
何怒○主人急起驚閉戶○明日重來留不住○

朝時宰一絕

每聞官閣喜留賢○欲看梅花轉畏寒○自倚屠門求大嚼○
何時安邑贈豬肝○

宋荔裳備兵紹寧同宿浙署

京省移官後○秦川去路賒○故人勞夢寐○詩息各煙霞○下
榻人千里○連牀天一涯○堂空明夜火○酒綠覆秋花○多難
嗟同病○常愁老益加○湖山欣命駕○江漢歎浮槎○壯業推
長馭○微官笑繫瓜○夜闌仍秉燭○相對惜年華○

再答山陰王玉映并宗弟睿子

以選詩緯
來求序

海上仙人挽鹿車。五噫歌就出關初。黔婁偕隱稱良友。
班女工文續漢書。玉笈家乘超粉黛。青箱世業伴樵漁。
又聞宮壺徵閨範。不去翻來問索居。

李錦秋明府以祝太翁七十徵詩

是歲公孫掄解

榮達有神生有道。純嘏錫之爲壽考。古來誠樸天所鍾。
富貴不在致身蚤。君不見濟南李封君。年將三十猶耕
耘。折鋤覓師始力學。帶經荷笠攻典墳。學成未得薦天
子。三齊校士空冠軍。太丘醇德無與竝。庭有荀龍兼薛
鳳。天使階前一桂芳。人誇稷下雙珠映。封君晉秩稱大

夫芝蘭滿目如璠璣。紅顏七十不扶杖。百斗解醒如渴
烏亢與豕君號良友。肝膽照人真且久。追隨燕朔及浙
中。爾翁我翁觴祝同。造物栽培有所自。兒孫指日擢南
宮。知君德壽皆天工。岡陵之祝岱與嵩。

王於一唐祖命陳子壽。胡元潤過松下小集將邀

予同入閩遊

歲暮憐飄泊。何人訪客槎。有心尋釣石。無夢過仙霞。欲
渡愁江楫。相邀採粵茶。還疑南斗近。河漢月西斜。

宋荔裳自言登華山三峰之勝爲之神往

見說柯枿險傳聞。欲斷魂。捫天疑有路。鑿壁若無根。樹
少○愁○飛○鳥○雲○深○冷○掛○猓○何○當○逢○二○鹿○採○藥○到○靈○源○

家信到見丘海石五月寄書詢之則逝矣憶相送

山中戲言求予代作墓誌竟成讖語開緘爲之

泫然因略述生平以備行狀寄家君龍標焚之

去年送我橡山谷載酒題詩書滿屋今年寄我罷官書

念我西湖住天竺平生傲岸氣莫當才大居前不可觸

怒來擊碎珊瑚鉤興到掀翻漸離筑使酒從來壓灌夫

論文不肯服荀彧我往江南別君去竹林觴詠留人住

戲言久病失生理他日累君當誌墓嘈雜醉語笑不答
兩○狂○角○飲○仍○如○故○感○君○別○後○壽○老○親○觴○祝○登○堂○意○地○固○
書○寄○西○湖○五○月○中○紙○光○墨○氣○光○矐○矐○相○邀○共○結○九○儂○解○
避○地○當○爲○百○歲○翁○啓○書○見○字○色○方○喜○家○人○傳○言○君○已○死○
聞○道○驚○疑○起○且○悲○安○知○人○世○真○涸○水○我○長○君○年○餘○鬢○歲○
我○衰○君○健○相○倍○蓰○故○人○零○落○已○無○餘○眼○中○之○人○吾○與○爾○
愛○憐○妬○憎○迭○相○欺○幾○日○不○見○忽○思○之○南○山○永○別○羊○曇○路○
東○武○誰○知○賈○島○詩○羨○君○有○子○如○龍○起○我○有○諸○男○擬○豚○豕○
爲○君○作○誄○代○寫○真○聊○踐○前○言○淚○滿○紙○

昭慶寺逢官方山

十載京華別。相逢僧寺居。宦遊成汗漫。客路各蘧廬。嗜古心仍健。呼盧興未除。澤山讀書處。借隱賦歸歟。

謁岳武穆墓見遺像墨刻滿江紅并高宗頒師御

扎

山圍石馬夜嘶風。南宋君臣醉夢中。御筆自頒留敵詔。將軍猶勒滿江紅。縱令鏤檜千身碎。不敵金城百戰功。載酒蘄王湖上過。忍看飛血化萇弘。

自江干買舟從陳憲臺諸子入閩

力疾憂王命。辭官復遠遊。遲迴依岸樹。疑怯上江舟。泛洲蘋晚。悠悠霜葉秋。君看鳧雁聚。各有稻梁謀。不渡緣何渡。畏時怯路危。江明吳岸闊。林出越山奇。家累多難寄。鄉書遠易欺。荷衣因病解。蠟屐且追隨。

桐廬道中

桐廬三百里。江轉却成溪。夾岸峰峰曲。清湍處處迷。沂流潭上下。迴眺峽高低。但作尋山去。吾行已不羈。

登嚴陵釣臺見張坦公碑記

俗謂仕客不利於登故過客多不至

兩岸夾如束。中亭字客星。世情驚絕俗。至德本遺形。渭

水絲空老。淮陰餌未醒。古來三釣者。寥廓在鴻冥。
仕客應難止。吾行自泊舟。如何題碣在。不爲釣臺留。
水淺魚驚餌。臺空鷗避流。仍嫌名未隱。五月尚披裘。

七里灘

不揖羊裘客。何知七里灘。江清石子碧。峰夾柏林丹。
曲折帆檣亂。渦漩鷗鷺盤。無魚收釣去。一笑過危瀾。

舟泊嚴州

城圍山一半。峰轉塔雙懸。簇簇雲生樹。方方水界田。
泉春鳴碓杵。石火冷炊煙。地以嚴名重。停舟羨爾賢。

蘭溪縣道中間鶯

水駛灘聲接。山窮溪溜分。丹楓九月晚。黃鳥一時聞。
淨練明魚影。團沙宿鷺羣。布帆煙靄裏。百里總氤氳。

泊江山縣抵清湖鎮度嶺率成十八韻

莫羨江山好。江山行路難。浪高沙岸塌。杉密雨聲寒。
防虎明燈坐。聞雞隔岸看。疎村藏遠塢。孤石逆危瀾。
百折溪流湧。千迴岸勢盤。鳥啼穿亂篠。鷗起避崩湍。
水碓春輪巧。崑峰絳路艱。不知霜露白。却見柏楓丹。
好景忽圖畫。愁心惜嶂巒。巒真堪卜小。築無奈怯微官。
明滅煙嵐變。

紆迴澗道寬。江魚寒不餌。林鶴杳難攀。世事餘秋蔗。吾
生老釣竿。簡書妨臥病。衰疾勉加飡。十載三投檄。千山
一掛冠。退仍憂譴責。進豈濟痼瘵。心折仙霞嶺。魂搖黯
淡灘。羊腸將歷盡。遊興未衰殘。

清湖店壁見膠西王逸安大行自閩回朝詩因次

韻

橫海樓船道路難。知君返棹出危灘。山迴漸見青霞險。
江轉能吞白霧寬。十月霜林春鳥喚。三溪煙峽夜鯨寒。
自憐彭澤思歸切。萬里辭官向惠安。

度嶺

籃輿高棹似乘風。萬壑雲濤紫翠中。欲度羊腸愁叱馭。
安知鶴背已凌空。盤岩驛棧猿啼樹。絕壁村居虎伏叢。
仕路名山同嶮巖。不妨采藥武夷東。

江郎山

三石青天上。仙霞接路高。佛樓盤磴曲。煙樹望秋毫。嶂
複排雲錦。崖懸聳仗旄。還疑鳥道外。絕壁掛猿猱。

廿八都 村名

漸苦山峰逼。那堪峽路深。無僧難宿寺。有虎每疑林。壁

劃青天破村迴白晝陰何勞憂束縛幸不負登臨
茶嶺同陶季深聯句

十月聞啼鳩。千山亂白雲。天風吹綠雨。木葉下紛紛。路
曲蛇盤險。人行虎跡分。畫圖隨步轉。詩思更細縕。

楓嶺

萬萬冬青樹。層層碧玉溪。水分山閩越。雲界峽東西。仰
面看天小。回頭見日低。無人解小築。空聽畫眉啼。

風雨度杉嶺見杜鵑花茶花時仲冬

無雨翠猶濕。空濛嵐氣濃。瀑飛通絕壑。雲起失前峰。曲

水斜穿竹。危巒倒掛松。山花紅白滿。誰信是深冬。

五顯廟嶺

古廟連脩竹。長藤掛古樟。天高雲氣煖。石老樹根香。鐵
馬來風雨。靈旗鎮虎狼。前灘仙嶺盡。回馭慕王陽。

途次呈陳階六憲臺

江干不渡歎淹留。使節相從亦勝遊。諫草舊傳青瑣掖。
兵符借鎮白螺洲。人如徐穉依陳榻。客似林宗附李舟。
多病肯容投劾去。名山看遍蚤歸休。

次浦城謝邑宰劉震生留飲

笑我辭官勸不回。八千嶺海向人哀。豈緣高蹈甘長往。
自負清時媿散材。借榻偶因傾蓋合。投春若爲問津來。
登樓似有元龍氣。時許柴桑一舉杯。

荅崔山濤別駕勸赴惠安

如此風濤不可行。感君爲唱棹歌聲。千重閩海潮方急。
七里巖灘月正明。棋局堪尋賭墅客。釣竿原少羨魚情。
自憐袖短先藏拙。豈向東臯博隱名。

同林宣子遊南浦橋即江文通別賦送君南浦處

高閣橫橋跨碧流。垂虹映月對浮鷗。北帆問渡何時返。

南浦懷人未可留。萬里蒹葭空悵望。六朝煙水有沉浮。
綠波春草相思遠。日暮鄉關動客愁。

綠波亭

雲春溪碓亂岩阿。橋接孤亭半綠莎。山遠嵐光輕似黛。
江清石子翠如螺。烽煙南國留人少。雨雪中原去路多。
惆悵浦橋長望處。傷心今古恨如何。

同陳止庵遊夢筆山次許天玉九日韻

嶺嶠江關路莫窮。御風萬里氣仍雄。因拋敝屣尋芳草。
不詠新詩寄落楓。雙劍光沉星易老。五花才盡夢難通。

何勞庾信悲南北天海蒼茫夕照中

閩中許有介先以予詩傳之浦城故止浦數日吳

子文陳止庵林宣子諸友畢集寓西竺寺

知我名因許子將中原遙集久同堂賦餘浦草情多古

筆有山名夢未忘四座春風高士屨一潭秋水老僧房

別懷欲續文通句南海才多近洛陽惠安有洛陽橋

作桐江霞嶺圖本付翁壽如山人為卷

剪波蒼茫閩越天長風吹送武夷船千峰明月半江水

百里霞萬嶺煙米芾袖能收雪浪王維詩不止藍田

畫師尚恐無生法自染松螺紀歲年

雨夜禪房

臥聽山城長短更寒宵古寺靜無聲老僧出醮佛燈暗

夜雨空堦滴到明

告病閑居因自浦城往遊武夷日記山行由翥嶺

始較霞嶺險秀百倍矣為庚子十一月初旬

橋刺杉毛夾路幽穿雲盤磴輿夫愁千重鳥道羊腸曲

始信名山不易遊

宿西鄉村

江干草 卷一
竹牀斜枕石邊峰。草榻宵寒聽水春。半夜溪聲疑作雨。
雞鳴雲外遠聞鐘。

梨口村

瑤草琪花遍地生。青禽紅果不知名。層層列岫天如束。
人在翠微深處行。

纔尋松磴穿斜澗。又度石梁入亂雲。不信武夷山更好。
嶺頭先遣鶴書聞。

山如列幃重重矗。田似棋枰段段方。貪看松風搖翠浪。
不知竹露染荷裳。

造竹紙作房

有說附記中

削盡青青萬竹皮。波光雪影浸琉璃。千捶萬練成何史。
不及秦人無字碑。

黃墩嶺入崇安縣路

溪遶山行路遶溪。前山纔起後山低。回看去路雲如絮。
又向雲中下石梯。

山行遇雨

山行無雨翠霏霏。雨過翻憐不濕衣。一路山陰松作蓋。
下看千嶂白雲飛。

入武夷題幔亭峰漢祀亭 相傳彭祖宴曾孫處

笙○璫○雲○幄○杳○無○蹤○尚○有○青○霞○遶○古○松○獨○跨○玉○龍○歸○海○岳○
袖○中○收○却○武○夷○峰○

擬○學○盧○敖○汗○漫○遊○
三○十○六○峰○都○是○秋○
芒○鞋○踏○遍○古○仙○洲○
一○聲○鶴○唳○千○山○曉○

萬年宮

山○下○松○杉○大○十○圍○山○頭○雲○鶴○望○依○稀○幔○亭○或○有○遺○罇○在○
乞○得○天○漿○一○醉○歸○

宿萬年宮次林宣子韵 宮有仙人蛻骨

峰○峰○九○折○亂○煙○波○石○老○雲○荒○古○木○多○碧○落○岩○開○懸○日○
丹○霄○宮○啓○出○松○蘿○欲○採○蛻○骨○金○仙○籙○自○採○靈○苗○玉○女○坡○
聞○道○虹○橋○無○去○路○夜○深○空○際○聽○笙○歌○

曉起登玉皇閣再用前韵

霜○寒○煙○白○夜○生○波○今○古○消○沉○感○慨○多○絕○壁○生○雲○疑○布○幔○
老○松○掛○月○半○垂○蘿○雙○鳧○拋○去○閒○喬○令○一○杖○飛○來○問○葛○坡○
回○首○緇○顏○無○那○老○百○年○空○負○絳○芝○歌○

大王峰

大○王○峰○磅○見○天○門○疑○有○籛○鏗○藥○竈○存○石○室○靈○文○應○漫○滅○

瑤臺芳草自黃昏。雲雷尚許封毛髓。猊鶴時來化子孫。
九曲未遊從此始。已看山勢似崑崙。

玉女峰

玉女明粧聳翠鬟。霞裳丹帔出雲間。曾隨阿母朝天去。
不逐襄王行雨還。香霧氤氳山疊疊。珮環縹緲水珊珊。
媧皇煉石空難補。笙鶴逍遙未可攀。

大藏峰橋上仙舟

星浮波動月生煙。銀漢乘流下玉川。天上但知雲似水。
人間安識海爲田。浪穿鑿壁能無路。棹泛瑤池不計年。

留得虛舟應有意。問津當在赤橋邊。

扶搖不避打船風。瀛海蓬壺展轉通。弱水牽來應泛斗。
浮丘歸去剩垂虹。止疑劫火燒難盡。欲扣丹崖路已窮。
安得金繩懸碧落。仰攀若木問穹窿。

丹嶂嶙峋洞罅幽。千尋絕壁露船頭。潛通萬丈蛟龍窟。
暗度三山麟鳳洲。不信乾坤如積水。始知天地有藏舟。
曾孫宴罷虹橋斷。留待仙翁駕赤虬。

咫尺丹崖不可梯。靈槎高掛萬峰低。雲如銀海波濤湧。
水接瑤天藻荇迷。曲罷成連將返棹。津通漁父又回溪。

御風仙子拋舟去。洞裏金雞曉未啼。

泛舟自三曲至五曲

前峰迎客後峰催。側面看山對面迴。一水潑洄搖不定。青天倒出石門開。

天遊觀

紫閣崢嶸山盡頭。一峰高出萬峰收。道人見慣渾無異。此地真堪天與游。

一覽亭

重重螺髻白雲滿。曲曲清流綠玉環。羨煞山翁多享受。

不容圖畫到人間。

森天閣

森森玉立列雲屏。一閣橫空出渺冥。今日捫天近南斗。此身已化少微星。

朱文公書院

洙泗淵源道未忘。山高水遠興何長。雲窩處處蓬蒿滿。掃石猶尋舊講堂。

接筍峰有山人李磊音攜家隱其下訪之不遇

賣藥攜琴去不還。空留雞犬住雲間。盤陀石路青天外。

半夜月明水浸山

贈別張蚩蚩先生

明熹宗侍御以魏璫棄官入道居天遊者三十年矣

解繡投林號謫仙見機曾泛五湖船先生隱後中原變
不識人間魏晉年

李寤生七十矣如臯人將之峨眉過武夷其子追

留勸歸以詩贈余因依韵荅之

五岳逍遙剩此身無懷七十葛天民武夷秋盡好歸去

三十六宮别有春

自云五岳遊完將投峩眉老焉

自六曲泛舟出山

忽疑水向天邊出未見舟從山上行欲住難留屢回首

前峰玉女又相迎

遊山西水簾洞見桃花新筍

十一月 初旬

噴雪晴空隔綵霞薜牆松壁有山家泉根籜解三冬筍
石上桃開十月花櫻樹編橋高覆屋柚林結實大如瓜
應知南北殊風候萬里遙來看物華

邀陳止庵同遊不至詩以寄之

高士難同集名山未易來勝遊曾共約舟子苦相催峰
石空縈帶溪流自溯洄如何題詩處蠟屐少莓苔

寂寞空山色。懷人獨我違。霜溪起寒翠。冬桂正芳菲。令
響疑投杖。蘿深待掛衣。筍峰雲白處。悵望刺船歸。

山遊後林宣子先歸浦城却寄文海上人

同遊山色共何事。子先歸路滑苔黏屐。山高雨濕衣。奚
囊新句長筍簾。晚茶肥寄語林僧道。荒城蚤掩扉。

崇安縣閣後趙清獻梅花老幹半枯新枝茁發五

百年物也

鐵幹冰心未肯降。武夷山月照春江。瑤琴曲罷鶴歸去。
千載清陰滿北牕。

崇安清獻梅花老。苔蝕空心露古根。夜半朝天人不見。
一枝星斗照乾坤。

孔檜文著武榔梅。聖根仙質寄靈胎。誰言草木無心性。
一體空明透出來。

崇安

崇安仲冬春氣嘉。武夷山上開桃花。盤牆豆莢正結葢。
滿野秔稻如蒸霞。水濕土煖足蠅蚋。江清石冷無魚蝦。
漫遊壺可博一醉。鴻雁不到天之涯。

自仙霞嶺
南不聞雁

聞猿

寂寞空山色。懷人獨我違。霜溪起寒翠。冬桂正芳菲。谷
響疑投杖。蘿深待掛衣。筍峰雲白處。悵望刺船歸。

山遊後林宣子先歸浦城却寄文海上人

同遊山色共何事。子先歸路滑苔黏屐。山高雨濕衣奚
囊新句長。筍麓晚茶肥。寄語林僧道。荒城蚤掩扉。

崇安縣閣後趙清獻梅花老幹半枯新枝茁發五

百年物也

鐵幹冰心未肯降。武夷山月照春江。瑤琴曲罷鶴歸去。
千載清陰滿北牕。

崇安清獻梅花老。苔蝕空心露古根。夜半朝天人不見。
一枝星斗照乾坤。

孔檜文著武榔梅。聖根仙質寄靈胎。誰言草木無心性。
一體空明透出來。

崇安

崇安仲冬春氣嘉。武夷山上開桃花。盤牆豆莢正結蔬。
滿野秔稻如蒸霞。水濕土煖足蠅蚋。江清石冷無魚蝦。
漫遊宦可博一醉。鴻雁不到天之涯。

自仙霞嶺
南不聞雁

聞猿

聞○嶺○夜○雨○江○風○哀○有○客○欲○去○仍○徘徊○一○官○告○病○良○可○已○
萬○里○投○檄○胡○為○哉○山○高○難○險○路○梗○阻○客○老○歲○暮○心○慘○摧○
江○千○發○艇○三○月○半○泉○州○去○使○何○時○來○

別武夷寄張蚩蚩李寤生兩異人

逃○形○采○藥○海○南○天○五○岳○歸○來○杖○已○穿○異○域○相○逢○皆○萬○里○
名○山○一○別○卽○千○年○尚○平○空○有○煙○霞○性○叔○夜○終○無○服○食○緣○
換○骨○崖○前○回○棹○去○虹○橋○何○處○問○靈○詮○

張山人隱於鍛工遺予青霞仙錄十卷道冠道衣
云二年前青霞師留寄久矣拜而詠詩

橡○林○回○首○隔○仙○津○當○面○桃○花○失○漢○秦○幔○嶺○雲○松○空○弔○古○
鐵○岩○虹○棧○總○留○人○難○將○凡○骨○酬○芝○朮○欲○煉○丹○砂○媿○鬼○神○
遙○寄○霞○冠○憐○我○老○海○東○應○有○武○陵○春○

別崇安邑侯淄川韓有聲年丈

名○山○琴○署○坐○優○游○案○擁○煙○嵐○傲○五○侯○道○大○鱷○魚○能○化○暴○
政○成○丹○鶴○自○鳴○秋○鼎○鐘○闕○闕○推○韓○魏○海○岱○文○章○起○應○劉○
三○十○六○峰○勞○解○贈○仙○霞○北○望○有○歸○舟○

武夷山行

海○上○仙○山○不○知○數○獨○有○武○夷○名○九○曲○茲○山○靈○奧○闢○鴻○濛○

探奇平生見未足。挿天拔地枕清流。翠嶂丹崖森在目。
山浸冰壺一百里。水束靈峰三十六。峰挿雲根水遶山。
岓嶼渾淪各起伏。或爲截業聳千尋。或如方堵疊層屋。
或截繡鐵倚天門。或拔石筍抽蒼玉。上有盤盤千丈之
喬松。下有亭亭百尺之脩竹。芳蘭芝草何繽紛。赤箭丹
砂相歷碌。香煙翠靄鬪姿態。金闕銀臺動光旭。幔亭斜
峙大王峰。玉女虹橋隱仙錄。大藏小藏多石函。中潛遺
蛻香芬馥。相傳彭祖宴曾孫。錦帳瑤笙滿山谷。當時雲
散留仙橋。橫木如椽掛石腹。橋梁斷處片槎懸。半露峰

頭出其舳。我來遙望白雲間。目眩神搖仰可矚。五曲歷
盡是天遊。筍峰奇絕翠攢束。恍若人行冰鏡中。照出丹
青滿一幅。巨崖斜劈似重垣。千尺萬尺淨水沐。鐵綆石
梯雲縹茫。仙掌神工氣凜肅。文公精舍已荒涼。幽人結
屋依岩麓。莫言秦漢亂烽塵。此地真堪吾卜築。道人留
宿烹山茶。痛說山靈意。驂贖自從閩粵苦。交兵戎馬平
行。山樹禿劇盜登峰。按富民軍令造船伐大木。邑人避
難十萬家。劫火焚林死溝瀆。前代樟楠砍作薪。琳宮梁
棟摧爲燭。筍乾茶茗貢上官。運豆徵糧及樵牧。猿驚鶴

怨真宰愁水濁雲腥山鬼哭安知福地少安閒轉使黃
冠走麋鹿我聞此語三歎嗟世路名山總局促但願天
平海不波萬里還來跨黃鶴

武夷茶歌

茶味生於水茶質產於石水石具清芬厚薄有資始我
讀陸羽經武夷未入格疑在方域外未遇品茗客我游
接筍峰產茶稱第一龍井與虎丘未可與之匹而况天
池薄松蘿亦非敵道人言採法炒青與秋白其味清且
旨其色淡而碧價貴北源上一飲濯塵魄雨前名炒青

男女爭採摘火炒而爐烘燻焙功屢易次者號秋白白
露前始摘茲茶較春貴芽抽損其百下爲大片茶汀漳
頗狼籍味紅價亦廉閩人用不惜遂因所取法二用以
品質安知中下者與上不相借下者近六安中擬洞岍
液收久味愈長再漑味轉益願收接筍春仙氣入關鬲

回浦城冬至寄諸友

天涯歲暮陰陽變迎旅愁多節序催告黜柴桑仍作客
去官龐統反求媒閩雲接雨三溪險海霧流氛五嶺開
去住經年家萬里梅花春信幾時回

潘僧雪有梅花詩三十首索和
冷藥偏宜處士家松風堪試幔亭茶馮夷自剪玲瓏玉
天女來拋萼綠華老幹抱雲籠野水暗香和月度窻紗
知君苦思緣詩瘦一片冰心沁齒牙

聽張博士說將樂縣玉華洞

仙洞何因號玉華石幢雲几到星槎穿溪明炬投蒼穴
捫壁通天動紫霞蝠化千年垂雪乳龍眠十里隱江窪
欲尋叔夜逢書處綠篆朱文覓伏砂

問藥

藥籠今古病多違種杏仙人遇者稀自惜殘年難續斷
誰爲久客覓當歸膏盲不起煙霞癖秦越終迷腠理機
鶴骨日癯丹竈冷故山曾採紫芝肥

久客浦城上臺屢檄不放夜坐達旦

山城風雨夜寒侵欹枕燈殘耐苦吟故國青山萬里夢
老親白髮五更心微官求劾身仍繫薄俗依人病轉深
自擁孤衾愁達旦臥聽童僕有哀音

遊武夷題詩壁上失墨半圭歸浦半月得之故篋

僧雪子文作仙墨詩戲爲答之

江干草 卷一
虹橋潑墨題詩處○應有仙人載筆從○尚憶瑤華留石壁○
無端雲洞失煙松○歸來故篋封何固○別去玄圭喜再逢○
玉笈青箱勞寄送○一泓蒼海臥飛龍○

自寫武夷三十六峰粉本吳子文成卷徵詩

萬里來尋九曲灣○雲峰煙壑有無間○仙靈爲我開生面○
墨氣勞君湧列鬟○丹嶠飛虹橋歷歷○鐵崖仙掌玉斑斑○
莫言傲吏歸裝少○八閩名山一袖還○

曾於幔嶺停舟處○六六峰頭入畫來○石側倒看山向背○
船移層見水潑洄○嵐光偏自煙中失○雲氣忽從筆下回○

君寫神情吾寫骨○一時點染五丁開○

題祭後放歸北還唐祖命崔濤山吳子文陳止庵

潘僧雪林宣子翁壽如僧秀初偕諸友作南浦

圖詩餞別綠波亭

臘殘雲散北風寒○歸去渾忘行路難○多病得休如放赦○
衰年高臥勝加餐○詩成送客江波綠○酒盡臨岐楓葉丹○
此地別君南浦遠○不堪頻向畫圖看○

抵武林寄宋荔裳兵憲言別

已返江干棹○將回海上車○違時甘削迹○藏拙感彈書○霞

嶺千峰外。嚴灘一葉餘。山陰今興盡。何日式吾廬。

歲窮行李將盡鬻書就道

南浦忘歸蝦菜船。尚存書畫載風煙。到門乞米言何拙。過市吹篪客未憐。關尹不知瞻紫氣。酒家常是困青蓮。虞卿自賣窮愁賦。誰贈揚州十萬錢。

寄湖州張石城兵憲兼謝惠烏程酒

舊任粵藩

從軍十載起湘沅。白羽雄姿節鉞存。指顧河山推借箸。懷柔蠻粵見攀轅。茗湖水煖知民樂。衡岳秋高接

帝恩。却憶故山豕鹿散。遙分仙酒到窪尊。
湖州山有窪尊石

出武林別主人曹敬泉曹良野內翰

危樓借作浣花居。曲榻迴廊代掃除。竹裏烹茶同論畫。松間設几許抄書。兩家伏臘兒同拜。經歲逢迎禮不虛。應有情緣在夙昔。那堪灑淚遶行車。蕭蕭湖水促歸旌。隘巷挈壺送客行。稚子牽衣因住久。鄰姬索字識詩名。誰言風土南中薄。每向交游古道生。追餞更勞歌折柳。并州反勝故鄉情。

宋荔裳招遊禹穴不能逞謝寄行贐

歸思翩然逐去鴻。隔江遙對剡溪風。蘭亭禊事今來少。

江干草 卷一
禹穴丹經未可通。分俸半償賒酒債。客囊全借著書功。
滿船載得西湖月。莫道山陰興已窮。

謝張石城贈舟

湖上鷗鳧過客稀。君來獨問釣魚磯。輕舟許載林逋鶴。
折得江梅帶月歸。

余岱嶼侍御以舟贖送至京口

湖煙江月伴行舟。歸吏輕裝傲五侯。載得武林春色滿。
桃花潭水去悠悠。

姑蘇別陳孝寬曾淡公鄭三山時寄書板虎丘鐵

佛房

江風吹雨過橫塘。小圃春蘭處處香。新市吹篴成獨往。
舊遊聞笛興難忘。楓橋月落同舟泊。瓜步梅殘歸夢長。
珍重藏書豈無意。名山原近鄭公鄉。

曾澹公於京邸王宗伯席上別十年今逢吳門

長安市上酒家胡。宗伯題詩醉共呼。江海再逢庾信老。
尊鱸歸去季鷹孤。禪林春冷留書板。別浦潮生濕畫廚。
分得生公石上月。劒池松下待潛夫。

投許墅關樵部李夢沙一絕

棄官湖海一書傭。飢驅能食列御風。可奈長年頻索米。離歌誰贈大江東。

夢沙署中見王貽上立墓看梅詩憶舊遊三十年矣

當時鄧尉尋梅處。白面青袍昔少年。光福松濤穿塔影。具區雲岫浸湖煙。看山靈運多幽興。棄爵丁鴻已苟全。我欲題詩到官閣。揚州鶴瘦少腰纏。

謝吳門贈詩屏諸公却寄孝寬

名公未謀面。圖畫表歸心。放廢非超俗。高賢自好吟。屏

風存僻性。山水共清音。娛老羞陶令。無絃止一琴。

別曾澹公陳潤甫於虎丘兼寄子振上人

潭水深千尺。桃花送客情。松留雲不住。塔出月初明。溪口僧相別。江頭鳥欲迎。懷人期未遠。秋草虎溪生。

戲柬李夢沙為鬻書

西湖煙月亦吾廬。有客東歸自謫居。魚冷已拋竿餌小。鶴飢仍借稻梁餘。經年酒債唯官醞。到處詩囊是米儲。彭澤扣門言更拙。茂先止有五車書。

澹野周玉鳧寫武夷圖詩卷招飲山齋

明甲戌進士不仕二

年十

隔代投簪不出林。高齋煙樹對蕭森。青山有雪諳松性。
碧落無雲稱鶴心。用公庭聯卷裏峰名知逕路。詩中畫意代
登臨。欲從舊記尋源去。相約他年待尚禽。曾遊武夷有記

陳孝寬送至澣關以書板托行

又作湖干別。昨宵宿虎丘。江橋春草發。村浦晚檣收。離
亂期難定。衰遲歲易流。東林書版在。相對慰窮愁。

周靜香過舟中留着梅不能遣

舟行春漲急。岸草沒篙痕。欲奏桓伊笛。難留文舉罇。風

吹新柳渡。月掛落梅村。此別傷南浦。含情未可言。

買虎丘花園盆卉價貴不得

沿岸開芳圃。春來花事繁。接培勞地力。拳曲豈天恩。草
木因時貴。榮華詎久存。園丁莫驕嗇。梅月在山村。

過嘉禾訪曹秋岳先生同文可上人集倦圃別業

卽席命賦

石壁團雲氣。移山架薜牆。竹疎煙接水。梅澹月添香。人
物宗文舉。江湖納楚狂。可容丘壑下。呼黍一登堂。
江左文章伯。天南韋杜居。浮槎滄海暮。叢桂小山餘。懷

古○思○立○面○藏○身○隱○素○書○又○聞○蜀○魄○喚○高○枕○月○華○虛○
城○隅○車○馬○絕○閉○戶○不○聞○喧○一○逕○沿○孤○寺○雙○林○入○小○園○茗○
香○清○酒○夢○花○雨○對○琴○言○予○亦○耽○幽○隱○來○同○醉○竹○根○
倚○石○開○松○牖○臨○流○架○竹○扉○苔○煙○香○冉冉○梅○雨○綠○霏○霏○隨○
意○齊○書○帙○何○心○理○釣○磯○入○林○容○把○臂○未○覺○酒○徒○稀○
野○鳥○來○何○處○春○花○已○出○叢○庭○懸○高○士○榻○林○有○永○和○風○雪○
亞○新○梅○亂○香○浮○老○樹○雄○東○山○休○賭○墅○安○危○借○元○功○
鳥○道○客○從○入○谿○山○疏○鑿○勞○洩○雲○當○案○覆○怪○石○入○門○高○載○
酒○探○奇○字○登○牀○捉○佩○刀○英○雄○仍○爾○汝○相○對○惜○霜○毛○

謝○傳○難○高○臥○鄴○侯○豈○岳○栖○當○時○推○地○望○能○不○惜○遺○黎○虎○
豹○九○關○動○蓬蒿○萬○戶○迷○松○風○驚○夢○起○蚤○晚○召○曹○溪○
石○稜○懸○畫○理○潑○墨○似○吳○興○野○鶴○來○無○定○高○僧○去○不○能○葛○
巾○千○日○酒○蠟○展○一○溪○冰○欲○結○遠○公○社○寒○山○杖○短○藤○
月○出○孤○亭○敞○春○寒○客○到○遲○過○門○非○看○竹○下○榻○罷○彈○棋○鐘○
鼎○輸○君○富○江○山○歎○我○衰○明○朝○放○艇○去○夢○在○習○家○池○
似○有○山○陰○約○翻○同○江○漢○舟○渡○河○依○李○郭○題○竹○遇○曹○劉○龍○
化○江○潮○動○鶻○啼○峽○樹○秋○且○須○傾○白○墮○此○地○卽○浮○丘○

京口候渡

江子草 卷一
閩越浮槎動客星○投竿歸去釣東溟○海雲作雨侵瓜步○
春色隨潮入秣陵○吳楚襟喉分草木○江淮南北接藩屏○
茫茫天塹無今古○隔岸悲笳未可聽○

金山守渡夜雪

同雲夜滿客心孤○千里風檣阻去途○
銜甕城開銀世界○金山寺湧玉浮屠○
斷冰潮打鄰舟夢○寒火爐空遠市醺○
兩岸鐘聲天欲曙○不知何處有蓬壺○

渡江望金山獨酌

白霧吞江海氣青○急流無暇汲中泠○
潮回戰艦高于屋○

兵過漁舟散似萍○渦驚疑人來復去○
岸花笑客醉還醒○
欲尋官閣看梅放○樹影鐘聲過渺冥○

畫眉鳥

小鳥因聲累○朱籠繫慧心○白眉堪入畫○清韻似穿林○
鸚鵡防相妬○頻伽非此音○君看天外鶴○高唳海雲深○

揚州司理王貽上招飲題詩歸鶴卷次韵

貧女無善舞○達士多孤踪○稻梁亦仁粟○
飢臥甘雲峰○羽翼非不滿○畢弋羅重重○
願爲苓與芝○以報泰山松○
松老枯無枝○梅寒高人格○仰看天狼星○
玉矢不可射○非

無沒羽力猛虎化爲石安得從王喬
食霞伴煙客
昔逢青霞師來往九仙山仙人棄我去
歲暮凋朱顏常
懷王子晉吹笙不可攀遺我鐵珊瑚
遼海忽東還
吹簫過蕪城問道滄海君中散
廣陵曲希音久不聞今
來遇何遜梅花正芳芬把酒詠陶謝
高歌入白雲

舟中初度對雨自酌口占二十四韻

我行大化遷所歷厭機巧奔走二十年
齒朽髮已皓
亂自壬午家國兵燹擾附舶下東洋
移家入海島甲申
天地崩南奔何草草
監理淮海軍微官實自保
漢火須

與灰前身不足道戊子入燕都再歷春官考
甲午遷客
庠氈帷冷芹藻五載推閩令萬里海波渺
烽火亂鯨鯢
樓船衝浩淼堂上辭老親嚙指痛未了
甲子六十三條
忽成衰老鞭撻黎庶悲迫促租庸少
風濕及肝脾抽身
悔不蚤稅駕止江干求効赴嶺表
經歲得斥逐開籠放
飛鳥去年進壽觴賓客笙歌遶今年進壽觴
風雨一舟
小兒女倚帆檣拜跪紛潦倒高堂正倚闕
老妻亦懸眺
安知滯維揚兀坐自懊惱長言代紀年
任運蒼蒼昊

淮上贈張仲遠

江○十○年○別○相○逢○半○老○人○舊○遊○成○感○慨○生○事○幾○沉○淪○釣
石○韓○臺○古○笛○聲○向○秀○貧○良○朋○誰○復○在○淮○酒○苦○蒿○春

清江浦同清河宰鄢陵劉博仲夜飲聯句

春○帆○背○雨○出○淮○城○岸○夾○黃○河○住○野○營○安○邑○何○因○招○閔○叔
洛○陽○忽○漫○得○劉○楨○郵○亭○倚○馬○詩○相○續○夜○漏○聞○雞○酒○乍○傾
君○有○鳳○毛○皆○五○色○莫○將○詞○賦○問○狂○生

謝孔起元郡丞贈馬

尊○鱸○東○返○布○帆○空○萬○里○徒○乘○列○禦○風○已○媿○駑○駘○辭○短○馭
原○無○汗○血○鬪○時○功○驅○黃○不○羨○臺○邊○駿○得○失○難○憑○塞○上○翁

感贈獨憐孔北海據鞍矍鑠爲誰雄

渡黃河

黃○河○古○渡○南○帆○盡○白○驛○分○程○北○路○多○兩○岸○人○煙○連○葦○荻
中○流○濁○浪○捲○鼉○鼉○村○餘○啼○鶴○催○沽○酒○廟○有○神○鴉○喚○渡○河
老○鶴○橋○頭○芳○草○遠○牛○車○聲○裏○聽○齊○歌

雨中駐王家營候家人不至

蘆○簷○土○屋○葦○牆○低○兩○岸○黃○沙○盡○作○泥○客○似○馬○軍○服○襪○襪
榻○依○牛○口○問○輪○蹄○去○來○岐○路○人○空○老○南○北○鄉○音○語○不○齊
坐○守○巾○車○何○日○返○閉○門○風○雨○聽○荒○雞

黃河岸口再寄清河邑宰舊以韓叔夜相知
雞啼古驛月三更客散詩成促去程
倒屣到門迎麴盡開筵作賦說韓翃
綈袍許贈青瓊珮藜藿能甘玉糝羹
不待虞卿薦白璧壺觴已感道傍情

清明日汴陽寄米吉土邑宰

東風淮北路春柳正垂絲是我休官日
逢君罷政時應從粟里飲尚憶竹林期
不問驅車者臨邛徒爾知

江干草卷一

終

